

DE ECLAMPSIA INFANTUM.

DISSERTATIO

INAUGURALIS MEDICA

QUAM

CONSENSU ET AUCTORITATE

GRATIOSI MEDICORUM ORDINIS

IN

ALMA LITTERARUM UNIVERSITATE

FRIEDERICA GUILLIELMA

UT SUMMI

IN MEDICINA ET CHIRURGIA HONORES

RITE SIBI CONCEDANTUR

DIE XIV. M. AUGUSTI A. MDCCCXLVII

H. L. Q. S.

PUBLICAE DEFENDET

AUCTOR

**AUGUSTUS OPPELT**

NAUGARDIENSIS.

---

**OPPONENTIBUS:**

G. WAHL, MED. ET CHIR. DR.

C. WINZER, MED. ET CHIR. DR.

G. LAMBERT, MED. ET CHIR. CAND.

---

**BEROLINI**

TYPIS GUSTAVI SCHADE.





PARENTIBUS

OPTIMIS, DILECTISSIMIS

AD CINERES COLENDIS

HASCE  
QUAESCUNQUE PAGELLAS

PIO GRATOQUE ANIMO

D. D. D.

AUCTOR.

## DE ECLAMPSIA INFANTUM.

---

Convulsiones cum priori tempore tum recentiore a medicis maxime respiciebantur. Veteres, illarum symptomatologiam non nescientes, recentioribus nexum physiologicum explorandum reliquerunt. Demum nervorum actione reflexoria explorata et separatis nervorum motorum et sensiferorum originibus a Carolo Bell, Joanne Mueller detectis, fieri potuit, ut per chaos illud alterationum nervorum usque ad illud tempus plane tenebrosum lux aliqua et notitia satis clara diffunderentur. Observabant quidem antiqui medici bene accurateque, paroxysmos eclampticos saepe ejusmodi infantibus, quorum cubus intestinalis atrociter vermibus lacesseretur, supervenire, nexum tamen proprium inter haec reperire non poterant. Phaenomena sola cognita erant; quae esset causa, quis effectus, modo conjici et supputari, non accurate definiri potuit. Quanti autem momenti ad instituendam curationem cognitio alterius morbi alterum efficientis sit, non difficile est intellectu.

Convulsiones, in specie eclampsia, quam hisce pagellis tractaturus sum, a recentioribus scriptoribus in classem „neuroses” rediguntur. Quae quidem neuroses accuratius definiri nequeunt, quam ut actionis nervorum alterationes sint, neque quidquam nisi symptomata, typi

formales, quibus varii morbi primarii aut processus pathologici apparere possint. In qua morborum classe „neuroses” constituenda tantum alienata nervorum actio respiciebatur; causa hujus alterationis sive in nervis ipsa sive extra nervos posita prorsus negligebatur. Nervorum actio in corpore secundum leges physiologicas certa efficitur; omnes actiones anomales, quidquid nimium quidquid parum est, ad morbum pertinet. Quemadmodum cunctae nervorum actiones certis formis apparent, eodem modo deviationes ab hac forma per certas formas anomalas apparent. Quae quidem formae anomales neuroses sunt. Neuroses igitur nihil nisi formae morborum sunt, processus pathologici cujusvis signa, aliis verbis sola symptomata. Quamobrem neuroses ex causis maximè variis oriri, et tamen eandem speciem praeberè possunt, e. g. tetanus. Tetanus est, qui vel strychnini veneficio vel rheumatismo, vel nervorum periphericorum laesione vel medullae spinalis inflammatione existit. Eodem modo eclampsia se habet. Quamquam ejus causae maximè variant, eandem tamen morbi formam praebet. Quantum etiam momenti singularum neurosium secundum formas cognitio sit, hac cognitione tamen totius morbi essentia parum explicatur. Quantum inter strychnini veneficiu et nervi cujusvis peripherici laesionem, utraque una eandemque morbi formam, tetanum, efficiente, interest. Ad cognitionem neurosium accuratorem atque therapiam separatio a factore causali has morborum formas efficiente maximi est momenti.

### *Criterion eclampsiae.*

Eclampsia est unicus, interdum pluries rediens convulsionum paroxysmus cum lipothymia, quo peracto

aegroti status in eandem conditionem, in qua ante paroxysmum versatus est, regreditur. Eodem modo, quo eclampsia, epilepsia apparet, nisi quod haec saepius repetatur. Non nisi in hac utraque aegrotus convulsionibus affectus conscientiam sui ipsius amittit. Sunt, e. g. Canstatt, qui eclampsiam ab epilepsia diversam habeant; ille enim dicit, eclampsiam multo minus neurosem esse, quam epilepsiam, quum illa praecipue sanguinis abnormitate efficiatur. Quod quidem discrimen optimo jure constitui potest. Sed si accuratius rem intuemur, hoc discrimen ad causas utriusque morbi referendum esse videmus. Quae quidem causae, essentia morborum, cum de morbi forma, quam quidem eclampsiam esse supra demonstravimus, ageretur, non respecta sunt neque respici potuerunt, quia, si semper, ubicunque variae causae easdem morborum formas efficiant, nova morborum classis conformata esset, morborum numerus infinitus prodidisset. Quamobrem, cum de sola morbi forma utrique et eclampsiae et epilepsiae communi agatur, ambarum morbi formarum separatio supervacanea mihi videtur, et Baumesii, illius medici maximi Montispeliensis, inter infantum eclampsiam et epilepsiam non aliud discrimen instituentis, quam decursus morbi aut acutus aut chronicus, satis confirmatum est. Qua de re Joa. Frank haec habet: „Cum Sauvagesio, Vogelio, Sagario aliisque sub nomine eclampsia circiter epilepsiam acutam intelligo. Circiter dico, nam ad epilepsiam quamquam acutam constituendam, requireretur, ut morbus saltem ex accessibus et liberis intervallis componeretur, eclampsia autem ex unico insultu consistere potest.” Nullum igitur morborum ipsorum discrimen statuit, eorum differentiam in modo, quo paroxysmi repetantur, ponit. Quam-



vis alterius formae reditus, quod ad aegroti salutem pertinet, maximi sit momenti, nullum tamen inter morbos ipsos, nisi decursus aut chronicus aut acutus, statuendum est discrimen. Unusquisque paroxysmus et eclampticus et epilepticus certa quadam organismi alteratione, causatur efficitur. Qua causa post primum aut post nonnullos paroxysmos cessante aut sublata, paroxysmus non revertitur; causa autem alterius durante, aut nervis ipsis, causa remota, quod e. g. saepius in epilepsia entozois inducta fieri solet, ita affectis, ut paroxysmorum repetitio inde necessaria reddatur, paroxysmi saepius apparent. Quamquam quidem differentiam in paroxysmorum numero positam segregata eclampsia ab epilepsia indicare tentaverunt.

### *Symptomata.*

Distinguitur stadium prodromorum, stadium paroxysmi et quae sequuntur.

#### *a. Prodromi.*

Prorsus deesse possunt. Paroxysmus saepe subito irruit, ne minima quidem aegroti valetudinis perturbatione praegressa. Interdum adsunt prodromi, qui quidem pro causa primaria, eclampsiam efficiente, varii esse possunt. Plerumque, exceptis illis casibus, qui conjuncti cum morbis gravioribus sunt, prodromi irritabilitatis universae alienatae, qua aegrotus parvus ad eclampsiam praedisponitur, signa sunt.

Infans revera nondum aegrotat, oculi ejus autem vividiores sunt, mores implacidi redduntur, iracundiores. rixas cum sodalibus appetit, nihil ei placet; somnus multo brevior et gravior est subitoque interdum somniis interrumpitur. Interdum agrypnia adest perfecta, interdum



brevius tempus dormit. Oculi plerumque aperti sunt, vel ad dimidiam tantum partem, iride pone palpebram superiorem recondita et sclerotica sola inter palpebras semiapertas apparente, clauduntur. Oculi bulbus circa se ipsum volvi videtur, faciei color commutatur. Respiratio inaequalis et suspirans redditur. Interdum infans ejulatus modo interruptos modo continuos edit; saepe sine causa ulla nota tremit, vel causis minimis irritatus. Qui tremor somni tempore crebrior infantem interdum expergeficit. Brachia et digiti saepe ultro moventur. Infans manus ad nares admovet easque fricat etc.

Tum aliorum morborum, qui eclampsiam efficiunt, signa, calor et rubor gingivae dentitionis tempore, febris in exanthematibus, symptomata secretionis ventriculi intestinorumque perversae, si ex hisce organis eclampsia originem ducit, aliaque in aliis eclampsiam efficientibus morbis signa. Apud parvulos infantes interdum illa quae germanice „stiller Jammer, Gichter, Fraisen” nominantur, antecedunt.

### *b. Paroxysmus.*

Paroxysmus plerumque subito incursat. Infans conclamans humum cadit simulque convulsionibus tentatur atque sui conscientiam amittit, quae quidem symptomata sunt pathognomonica. Contractiones clonicae extremitatum vel majore vel minore vi parvis intervallis iterantur, idque proprii praebent, quod extensores flexoribus superantur. Quod quidem ex illo symptomate, quod eclampsiae et epilepsiae vel maxime peculiare habetur, in pollicum contractione, manifesto apparet. Quod apud parvulos aegrotos interdum tanta vi exercetur, ut non nisi vi maxima pollicum situs normalis restituatur. Trunci musculi harum contractionum raro participes plerumque ri-

gidi sunt. Oculi initio terrorem ostendunt atque musculis tensis immobiles redduntur, tum bulbus sursum vel extrorsum vel introrsum, rarius deorsum, trahitur. Strabismus interdum apparet. Pupillae modo contractae modo dilatatae sunt. Eodem tempore vultus quoque commutatur, anguli oris extrorsum trahuntur, qua re oris forma talis redditur, ut respiratione strepitus sibilans moveatur. Saepe, ore laeso, labia saliva vel rubra vel sanguinolenta obteguntur. Maxilla inferior subinde spasmo movetur aut contrahitur, ita ut trismus, interdum fremore dentium interruptus, existat. Interdum lingua prominety unde, si eodem tempore maxillae spasmo in masseteribus orto clauduntur, graves linguae laesiones efficiuntur. Magni momenti obturatio laryngis spasmodica est et dyspnoea vehemens inde coorta, qua re facies valde intumescit et congestio ad cerebrum venosa maxima evenit. Facies inde violacea apparet, sudore madido; caput aridum, extremitatibus simul frigidis. Caput plerumque reclinatur, rarius ad latus flectitur. Saepenumero etiam paroxysmo urinae et faecum expulsores munere funguntur et excretiones involuntariae eveniunt. Deglutitio raro impedita inter convulsiones vehementissimas observata est.

Alterum symptomà pathognomonicum est lipothymia. Qua ex re omnis sensuum perceptio sublata est. Aegrotus neque audit, nec videt, neque incitamenta alia externa percipit. Igni, acu, cultro affici potest et ne minimas quidem lamentationes edit. Ita Boerhaave pedem usque ad os sine doloris signo comburi vidit. Contra Romberg epilepticum, pluma inter palpebras immissa, oculos vehementer clausisse narrat. Aquae frigidae adpersiones paroxysmi tempore idem symptomà, horripiti-

lationes, in toto corpore atque in sanis provocavere. Rilliet et Barthez infantes, quorum naribus liquor ammonii caustici vel alia ejusmodi medicamenta admovebantur, in atrocissimis paroxysmis male ingrateque affectos viderunt. Reactio systematis vasorum admodum vehemens est, pulsus initio frequens, parvus, contractus, postea plenus.

Qui totus symptomatum complexus etiamsi in unoquoque paroxysmo eclamptico non sine exceptione cernitur, tamen signa praecipua supra commemorata nunquam desiderantur.

Ita accedit, ut conscientia amissa non eadem violentia in omnibus extremitatibus spasmi cernantur. Observatum est, alterum corporis dimidium convulsionibus non affectum esse, dum alterum vehementissime cruciaretur. Ad quam formam ii casus accedunt, ubi alterum corporis latus altero multo magis offenditur. In quibus paroxysmis accidit, ut infantes his vehementibus alterius lateris motionibus ad lecti marginem admoti, ne ex lecto deiciantur, in periculo versentur. Alii paroxysmi adhuc magis abortivi redduntur. Ita nonnulli, musculus masticatorios spasmò contrahi modo relaxari, caput alterata vice brevibus intervallis cervicis musculis ad latus moveri, conscientia simul amissa, observarunt. Qui quidem casus trismus et torticollis eclampticus appellantur.

Paroxysmi ab aliquot horae secundis ad XX—XXX minutas persistunt. Simulatque paroxysmus ad finem vergit, convulsiones rarescunt, denique prorsus desinunt. Plerumque in superioribus corporis partibus sudor copiosus apparet. Respiratio facilior, pulsus regularis, quamvis adhuc frequens redditur. Oculi quieti languoris speciem praebent. Infans adstantes cognoscere, sed neque

loqui neque alias musculorum actiones vi quadam exigere potest. Arripit quidem manum porrectam et digitos movet, at digitis premere non potest. Faciei calor, respiratione haud impedita, ad normam recedit. Regis frontalis adhuc per aliquod tempus post paroxysmum calida et rubra manet semperque cephalalgia observatur. Qui status, omnibus, si prospere decurrit, symptomatibus magis magisque cessantibus duodecim ad octodecim horas protrahitur. Subito infans loquitur, alimenta postulat paucisque diebus post bona valetudine gaudet. Status comatosus, quo usque ad hoc tempus detinebatur, in somnum mutatur, quo praecipue vires instaurantur.

Quo paroxysmo superato, infans sanus esse semperque manere potest. Fieri tamen potest, ut, causis non sublatis, vel alia ex re, paroxysmus redeat.

### *Variae eclampsiae species earumque causae.*

Supra jam dictum est, eclampsiam non nisi morbi formam variis corporis morbis vel mutationibus pathologicis effectam esse. Ad perfectam cujusvis eclampsiae paroxysmi dijudicationem accurata causarum cognitio necessaria est. Quod quidem non semper fit. Saepe numero paroxysmi eclamptici apparent, quorum causam accuratissimi sagacissimique observatores revelare non possunt. Paroxysmus transit et ne ulteriores quidem aegroti observationes quidquam ostendunt. Multi ejusmodi casus, quorum causa prorsus intelligi non poterat, sententiam moverunt, nullam tum adesse corporis commutationem materialem, quamobrem vocabantur convulsiones sine materie, dum illae, quarum causa manifestata erat, convulsiones cum materie nominabantur. Ubi non reperirentur, ibi etiam deesse commutationes materiales.



perperam concluserunt. Qui anatomiae pathologicae paululum gnarus est, perdifficile esse confitebitur, parvas nervorum mutationes cognoscere. In compluribus epilepticis dissectis virum harum rerum peritissimum pathologicas mutationes frustra quaerentem vidi. Frustra cerebrum, frustra ceterae partes perlustrabantur. Falso nonnulli quarundam cerebri partium commutationes convulsionum causas esse praedixerunt, ita duo Wenzelii, glandulae pituitariae destructionem. Quae sententia non nisi ex manca cognitione singularum cerebri partium functionis prodire potuit. Functionem vel majorum cerebri partium, quanto minus ergo glandulae pituitariae, minime cognitam habemus.

Quamquam vero saepe commutationes materiales non reperiuntur, haudquaquam tamen nullas mutationes organicas existere, statui posse puto; animo vero arbitrans mihi videtur, ejusmodi mutationes nunquam deesse et mancā perscrutationem solam esse causam, quod mutationes illae non reperiuntur. Fuerunt tempora, quibus vis vitalis et vis nervorum, quam dicebant, ubi aliae morborum causae defecerunt, alteratae proponebantur; fuerunt vires illae eximiae materiem dominantes nexuque cum materie prorsus destitutae. Intellectum est, vim quandam non nisi ex materie proficiscentem apparere eandemque vim, actionem, si vis, materie sana, normalem, materie morbosa abnormem apparere. Ubicunque igitur actio abnormis, ibi mutatio quaedam organica, quae hanc actionem abnormem reddat, existere debet. Necesse tamen non est, conjunctis connexisque omnibus organismi organo, id quidem organon, in quo actio abnormis apparet, organice mutatum esse; mutatio esse potest in corporis parte quadam, quae cum illa, in qua mutata actio exi-

stit, relationes alit, ita ut mutationes alterius in altera appareant, e. g. vomitus ex commotione cerebri, cephalalgia ex indigestione.

Quae quidem causa, functionis nervorum abnormitates provocans, si remota est, sive in nervis ipsis, sive in ceteris partibus sita, tum quoque nervorum actionem normalem reddi credimus; e. g. excissa cicatrice, nervum quendam irritante eaque re acutos paroxysmos eclampticos provocante ex vetere dicto sublata causa tollitur effectus. Quod quidem in hisce casibus non semper evenit. Paroxysmi initio acuti, revertuntur et omni cura adhibita status chronicus, epilepsia adest, ad quam quidem provocandam nervorum mutationes supponamus necesse non est. Sicuti pendulum vi foris illata motum, diu adhuc, postquam impulsus primarius desiit, agitari pergit, ita paroxysmi quoque eclamptici pluries, postquam causa primaria impulsum ad alteratam nervorum actionem, quae in paroxysmis eclampticis apparet, dedit, etiam causa sublata repetuntur.

Quae explicationes ad speciem quandam deuteropathicae eclampsiae, illius ex gastrica, praecipue ex vermium irritatione, quae aetate infantili ad excitandam eclampsiam maximi est momenti, accuratius explicandam, necessariae mihi videbantur.

Pro causis infantum eclampsia vel idiopathica vel sympathica est, i. e. aut morbi causa sive ex nervis ipsis sive ex nervorum centrīs pendet, aut convulsiones actione nervorum reflexoria, cujus impulsus ex alio corporis organo vel systemate exit, gignuntur.

#### *a. Eclampsia idiopathica.*

Huc quidem pertinent offensiones, capitis laesione sive inter partum sive posteriore tempore excitatae.

Tum ex organica, quae invenitur in nervorum centris, commutatione, e tuberculis cerebri etc., tum laesione nervorum in corporis peripheria, tumoribus gangliosis, deinde eo, quod sanguinis veneficio cerebrum movetur, e. gr. narcoticis, spirituosis; denique affectionibus animi perquam vehementibus, nascitur malum.

*b. Eclampsia deuteropathica.*

Ex quibus est illa maxime frequens, quae irritatione gastrica excitatur: acidis, vermibus, deglutitione corporum alienorum. Praeterea illam refrigeratione et cutis inflammatione, oppressis secretionibus pathicis, exsiccatis cutis efflorescentiis etc. nasci videmus. Tum illius, quae initio morborum febrilium, praecipue exanthematibus orientibus, existit, eclampsiae mentio est facienda. Quae quidem accessiones celeriter praeterire solent, neque aliam in totum morbum habent vim, quam febrilium frigus in febrilium morborum stadio invasionis apud adultos.

Causae sunt *a)* praedisponentes, *b)* occasionales.

Causae praedisponentes eclampsiae et idiopathicae et illius, quae initio exanthematum aliorumque morborum oritur, hoc loco describendae mihi non sunt, quoniam cum illis ejusdem morbi, quocum accessio conjuncta est, congruunt. Hic igitur de illius tantum eclampsiae causis commentaturus sum, quae peculiaris morbi speciem prae se ferens cum talibus morbis conjuncta ingreditur, qui primo aegroti adpectu non statim oculis occurrunt, propriosque morbos exhibent. Haec prae ceteris illa est eclampsia, quae originem ducit ex irritatione gastrica.

*a. Causae praedisponentes.*

Quod plurimum valet, aetas est ipsa infantilis, id quod per infantilis organismi organisationem peculiarem evenit. Maxime tutum a morbis corpus et organon



quoddam tum est, quum perfectionem absolutam obtinuit. Quamdiu enim organon quodvis nondum satis est perfectum, praecipue morborum impetui obnoxium est saepissimeque in morbos incidit. Quamquam organismus infantilis inde a prima pueritia omnes per partes evolvitur, tamen certa quaedam organa prae omnibus maxime excoluntur, quorum in numero praecipue centra nervorum habenda sunt. Quum primis post partum mensibus cerebri cinereus sit color, sub primi anni finem in cineream albamque substantiam illud discedere incipit, quare maximis in partibus plane commutatur. Itaque hoc quidem evolutionis stadio puerilem aetatem in varios cerebri morbos incidere videmus e. gr. acutum hydrocephalum, qui huic tantum periodo proprius est. Partim igitur evolutio, partim imperfectus ejus progressus cerebrum ad statum talem perducit, in quo irritationibus ad actionem abnormem, quae plerumque excessive sub convulsionis aut sensibilitatis specie existit, adducatur. Fuerunt, qui majorem hanc sensibilitatem quasi majorem perfectionem in cerebri, quae cum corpore comparata apud infantes magna est, mole perspicerent. Quod respiciens Baumgaertner, mensurationem cum instituisset, apud foetum novem hebdomadam cerebri massam quartam totius corporis aequare partem, neonatorum cerebrum septimam, adulti viri gracilis quadragesimam quartam reperit. Unde puerili aetate cerebri massam corporis proportionem admodum magnam esse patet. Quae tamen ex ratione molis nullo modo perfectius esse cerebrum, concludere licet, tanquam caementum marmoreum ex quo statua fingenda est, ideo, quod majorem habere molem, quam quae ex eo fieret statua, hac esset perfectior. Propius ad veritatem d'Alnoncourt, Richard

alique accedunt, qui majorem sensibilitatem e cerebri conditione imperfecta deducunt. Incitabilitas igitur inde est deducenda, quod et apud infantes primis annis cerebrum maxime commutatur, eoque succi ad illud valde compelluntur, quare semper organon quodvis ad morbos praedisponitur, et quod cerebrum adhuc imperfectum est, quam ob causam abnormem praebet reactionem, quum normaliter evoluti sit cerebri, normalem irritamentis repugnantiam opponere. Haec autem repugnantiae abnormis ratio, convulsionibus, quod puerili aetate saepissime cum irritationibus gastricis conveniunt atque ex iisdem originem trahunt, nulla in alia re, nisi in infantilis aetatis constitutione posita sunt.

In pueritia quodque organon crescit. Cujus incrementi materies non nisi a tubo intestinali suppeditari potest. Dum adultus ex illo tantum ea sumit, quae ad nutritionem ad continuam corporis organorumque immutationem necessaria sunt, tubus infantis intestinalis illa quoque praebere debet, quae ad novas organorum partes formandas requiruntur. Omnia organa illis praecipue temporibus morbis corripuntur, quibus actio eorum est maxima. Tubus intestinalis apud infantes sedes est maximae actionis. Ubi actio, ibi actionis perturbatio non procul abest. Atque si ad nostri temporis infantum educationem oculos convertimus, saepissime, prohi dolor, videbimus, infantum nutritionem non nisi eo spectare, ut digestionis perturbationes excitentur. Qua nutritione perversa primum in ventriculo acida oriuntur, digestio morbosa mox sequitur. Qui status primum in systemate abdominis ganglioso, quod nutritioni praeest, perspicuus est. Corpus male nutritur, macrescit, statum praebet miserum. Quoniam autem tubus intestinalis non solum systemate ganglioso sed etiam nervis ex systemate cere-

bro-spinali originem ducentibus gubernatur, hic status mox ad axem cerebro-spinallem reflectitur. Necesse tamen non est corpus infantis ad eclampsiam procreandam miserum esse, immo vero observationes interdum contrarium comprobant. Saepe enim in infantes succulentos et obesos accessiones illae irruunt. Quibus in casibus toto in corpore irritabilitas aucta eademque in intestinis adest, quo facto irritationes gastricae non tam graves abnormem quidem nervorum actionem provocant, haud vero nutritione mala reflectuntur. Quia eadem re mulieres hystericas, quarum morbus nulla in alia re, nisi in vi abnormiter ad minorem morbi irritationem relata et valde aucta positus est, pingues saepissime et validas speciemque valetudinis prae se ferentes videmus. Quamvis igitur bona corporis nutritione accessiones oriantur, persaepe tamen mala nutritione et corporis constitutione imbecilla accessioni locus paratur. Imbecillae quoque constitutionis, auctaeque irritabilitatis indicia, quae supra inter prodromos commemoravimus, eclampsiae plerumque praegrediuntur. Quae tamen ab iis, qui versantur circa infantem, ita plerumque negliguntur, ut accessionem tanquam vigente valetudine existere putent. Illam igitur auctam nervorum irritabilitatem, sive puerili cerebri natura procreata, sive aliis causis adjuvantibus, velut intestinorum irritatione, excitata sit, semper ortam esse necesse est, ubi eclampsiae accessio existit. Hanc incitabilitatem aliam apud alios infantes et modo maiorem modo minorem esse varia constitutione, facile intelligis. Non minus facile est intellectu, quae in intestinis res noxiae alium infantem minime commoveant ac turbent, easdem apud alium vehementissimas accessiones excitare posse. Quare plurimorum infantum, qui lumbricis labo-

rant, paucissimos in eclampsiam incidere videmus. Vel etiam cum vermes in intestinis resident, his ipsis eclampsiam excitatam esse, non diserte concludere licet. Ad excitandas has eclampsiae accessiones causae interdum adsunt, quas, id quod dolendum est, indiciis externis cognoscere non possumus, qua quidem re causa submoveri non semper potest. E vermibus eclampsiam ortam esse, nisi ablatis ab ubere infantibus, existimandum non est, quo respectu Copland <sup>1)</sup>: „Germanici, ait, scriptores unum et idem omnes sentiunt, sano lacte nunquam ante ablactationem vermes procreari, idem experientia mea comprobatum est; quare convulsiones nisi post illam exiis, de quibus diximus causis, deducere non licet.” Quam ex vermibus ortam eclampsiam crescente praecipue luna ingravescere, observatum est <sup>2)</sup>.

Alia causa in dispositione hereditaria cernitur, quae jam certis quibusdam indiciis externis, velut cranio magno (Dessessartz), fonticulis sero clausis, obtutu fixo aliisque multis, quae ad magnam irritabilitatem referri possunt, interdum cognosci dicitur. Quam dispositionem matres nervosae, hystericae, epilepticae infantibus impertire solent.

Cum ad totam nervorum actionem, tum ac abnormem, i. e. eclampsiam vires cosmicae, anni vicissitudines, coelum etc. pertinent. Quae cum omnia ad nervorum irritabilitatem spectent, indirectam ad gignendam eclampsiam vim exserunt.

#### *b. Causae occasionales.*

In his, idiopathicis casibus conjunctisque cum exanthematibus, primarius morbus est positus. Eclampsia gastrica

<sup>1)</sup> Bd. 2. S. 423. — <sup>2)</sup> J. Frank, Bd. II. S. 340.



ingestis noxiis, secretione intestinorum perversa, entozois excitatur, alias, si debita est praedispositio, perfrigerio, efflorescentiarum oppressione et causa primaria nititur.

Sunt autem, qui etiam ex psychico contagio accessionem prodire dicant atque perlibeant, conspectis spasmodicis etiam eos spasmis corripì, qui nunquam vexati illis fuerint. Res quidem negari non potest; neque enim singulos, verum etiam innumeros solo hominum spasmo correptorum adpectu convulsionibus tentari vidimus, quae per aliquantum temporis totam nationem adgrederentur (Hecker „Tanzwuth“). De contagio vero cogitari nequit, nec nisi ad similitudinis speciem illud constitutum est. Hujus eclampsiae ortum ita explicare licet. Individuum aliquod irritabilitate et constitutione ad qualemcunque nervorum morbum opportunum conspecto spasmis vexato psychica excitatione perquam vehementi commovetur. Quum incitabilitas ejus eo pervenisset, ut exigue tantum incitamento ad actionem nervorum abnormem excitandam opus esset, psychica commotio, quippe quae graves in organismo commutationes nunquam non efficiat, e. gr. sanguinis ad caput congestiones, vel contrarium, eo ipso, quod sanguis in nervorum centra magnam exserit vim, tantum momentum attulit, ut convulsiones existerent. Quare etiam hic accessio spastica ad organicam corporis commutationem referri potest.

### *Explicatio symptomatum.*

Duo symptomata praecipue in eclampsia adsunt: 1. defectus animi, 2. convulsiones.

*Defectus animi* deducendus est e cerebro, quippe quod repente functionibus abstineat. Hic status, quod jam commemoravimus, in accessionibus eclampticis par-

tim primariis cerebri commutationibus, infecto sanguine nervos permovente, partim deuteropathice, vehementibus remotorum organorum irritationibus, efficitur. De hoc statu efficiendo ejusque causis jam ex vetustissimis temporibus ingeniose saepe ac facunde a viris doctissimis, qui vitali quoque et nerveo spiritui magnam vim tribuerunt, multa relata sunt, ex quibus tamen haud facile quidquam, tanquam verisimile, fidem adeptum est; ita recentissimis temporibus a Babington (Gay's hosp. rep. Nro. XII. 41), qui quidem accessiones epilepticas e molecularium partium nervorum situ subitarie commutato existere perhibet, qua re nervorum functiones repente interruptae aliquandiu detineantur. Tales definitiones, accuratius examinatae, ab omni parte parum firmae reperiuntur. Quum ne exploratum quidem fit, quatenus sint partes nervorum moleculares, non de mutato solum illarum situ loquitur, verum etiam statum quendam aegrotum ex illo argumentatur. Quomodo autem animi deliquium gignatur, ex mea quidem sententia nemo unquam cognoscet, utpote quod id genus esse videatur, quod fieri et vel hac vel illa effectum esse, cognovisse satis habere possimus. Similitudinis specie fortasse quispiam ad veritatem accesserit, qui e. gr. spectans eclampsiam sensibilibus nervis perquam vehementer irritatis ortam, illud contendat: Nervus auditorius vehementi tormenti bellici explosione, item nimis fulgenti luce praestriatus oculus per nonnulla momenta a functionibus prohibetur; uterque ergo propter nimiam irritationum adaequatarum vim functionibus abstinet. Quod autem in oculis auribusque lux atque sonus efficiunt, idem nervis sensibilibus qualicunque irritatione mechanica affertur. Sensorium enim commune, quo omnes irritationes sentiuntur men-

temque adgrediuntur, nimia ac praecipiti irritatione tam acriter commovetur, ut omni functione aliquamdiu careat. Haec tamen quia nonnisi ad similitudinis speciem expressa sunt, pro explicatione haberi nequeunt. Quare in eo acquiescendum nobis est, ut fieri illud quibusque causis efficiatur, noverimus.

Simul cum animi defectu alia symptomata sese ostendunt, quae illo nituntur, e. gr. illud quod vehementibus laesionibus sensus evanescit, quod audiendi et videndi facultas interpellatur, alia. Sunt, qui inde concluderint, sensorios sensibilesque nervos fungendi facultate carere; quorum cum argumentatione non omnia symptomata congruunt veluti illud, quod infantes ammonio caustico naribus submisso etiam vehementissimo paroxysmo capti indignationem ostendunt. Ultro hoc loco quaestio sese obtrudit, utrum nervi sensorii ac sensibiles in eclamptica accessione revera functione abstineant, an vero eam retineant, ita ut indolentia eo tantum efficiatur, quod actio sensorii communis repente colibeatur. Sane quidem non auditur, sentitur etc.; hoc vero argumento est res certas in sensorio communi mentem non subire, neque vero nervorum facultates desinere. Magnum Henlei est meritum, quod primus, quamdiu organismus vigeat, nervorum actiones nunquam interrompi, monstravit. Per quietem et somnum oculus a videndo, auris ab audiendo non desistit, nervi motorii in musculis medium quendam contractionis gradum sustentare nunquam desinunt. Quod Henle de somno monstravit, idem de accessione eclamptica ostendi potest, nervos non solum retinere functiones, verum etiam magna ex parte validiorem actionem edere.

Narcosi aetherea, cujus auxilio tot operationes feli-



ter atque sine ullo negotio ac dolore nunc perficiuntur, itaque in gravissimis recentioris temporis inventionibus maximeque ingeniosis habenda est, individuum in eum statum adducitur, quo mente destituatur. Incidit etiam tempus, quo convulsiones accedunt et stertorosa fit respiratio, ita ut status epilepsiae speciem quandam praesebeat. Plane igitur deficiente animo, aegrotum, cum operatio suscipitur cutisque et ossa inciduntur, inter violentam laesionem haud raro trementem ac doloris indicia mittentem animadvertimus, quae ipsi laesionis illius momento congruunt. Operatione peracta interrogatus, num dolorem perceperit, aegrotus semper negat. Inde vero colligi nequit, sensibiles, quibus laesio operatione illata fuerat, nervos impressionem ad sensum non perduxisse, sed nihil nisi haud distincte illam sensu perceptam esse; esse vero perductam eam, certe occulto atque obtuse perceptam, doloris voces eodem, quo laesiones fiebant, tempore editae certo ac firmo argumento comprobant.

Similiter atque in narcosi aetherea in eclamptica accessione irritatio vehemens ad centrum perducitur, nec plane quidem, sed obtuse saltem, sensu percipitur et sensus ab aegroto in seio refertur. Hos quidem sensus non quavis irritatione exigua effici, per se intelligitur. Quod irritamentum si valde penetrans atque vehemens est, effectus in singulis casibus cogitari potest, e. gr. si Ammonium causticum ad tunicam narium mucosam applicatur, quo non solum nervus olfactorius, sed etiam nervus quintus corroditur. Hunc igitur omnium nervorum maxime quidem sensibilem, vehementer irritatum, effectum in sensorium commune exserere idque per temporis momentum, ne dicam ad claram perceptionem, tamen ad obtusam perducere, ex symptomatibus liquet. Aliam ad

categoriae ea pertinent, quae Romberg attulit, epilepticum pluma inter palpebras immissa oculos vehementer clausisse; tum horripilationes ex adpersione aquae frigidae, deglutitio nunquam prohibita etc. Quae omnia symptomata ex actione reflexoria pendent. Quae quidem actiones reflexoriae non solum simplicem, sed etiam solitum modum longe excedentem sensibilibus nervorum actionem firmissime argumentantur.

Altera quaestio est, qualem relationem defectus animi et convulsiones inter se alant. Incipiente eclampsia aegrotum subito clamantem amissa conscientia spasmis vexatum humum projici videmus. Defectus animi convulsionesque igitur eodem tempore oriri videntur. Alterum tamen alterum tam subito excipere potest, ut tempus interpositum non animadvertatur.

Magnus convulsionum ordo, quas Romberg iis complectitur, quae a cerebro excitato pendeant, eo modo oritur, ut cerebrum ipsum excitatum vim in nervos motores exerceat. Quas praecipue spectantes antiquis temporibus non nisi potestatem, excitandi vim motoriam, cerebro tribuerunt, non id quidem perspicientes, cerebrum etiam retardare posse actiones motorias, quod recentiori demum tempore a Flourens (*Recherches expérimentales sur les propriétés et les fonctions du système nerveux dans les animaux vertébrés. 2 Bd. p. 496.*) et Budge (*Untersuchungen über das Nervensystem*) factum est. Sicuti voluntate convulsiones maturantur; certe augentur, ita multos quoque motus et reflexiones renitendo proliberi, manifestum est. Itaque voluntatis potestate motus regendi sublata, non amplius adest quidquam, quo motus permulti reflexorii, qui sensibilibus nervis periphericis irritatis efficiuntur, impendantur. Quare

cosi submissas et magis etiam decapitatas ranas vel animalia levissime modo tacta vehementissimis convulsionibus vexata videmus. Unde etiam accidit, ut per sepe epilepsiam et eclampsiam primum inter somnum, quo cerebrum a functionibus quidem non destitit, tamen nescit neque voluntatem exercet, irrumperere videamus. Vehementes igitur convulsiones amissa conscientia ortae, re, quod cerebri potestas nervos motorios regendi oblata est, facile perspicui possunt. Utrum autem animi affectus prius oriatur convulsionibus, an eodem tempore, suspenso relinquatur, etenim ut haec res explicetur, non multum interest.

Quum vero eclampsiae causae multae sint, defectus animi vario fit modo. E. gr., si abdominis ganglia affecta sunt, sensum flammae similem ab ortu plexus coeliaci ascendere, quae, si processerit usque ad cerebrum, paroxysmum inferat, observatum est. Si vero animus alienatus est medicamentis narcoticis, quae aut directe admixta sunt sanguini, aut pulmonum inhalatione aut vino, sensim tantum, prout narcosis sese habet atque sanguis narcoticis miscetur, sui impos redditur, quae quidem, si strenue judicare velimus, huc non pertinent. Quum autem in eclampsia de forma tantum agatur, atque formaliis subito apparentibus iisdem manifestetur symptomatibus, hisce adnumerari potest. In vera eclampsia, in qua ex intestinorum irritatione etc. paroxysmus semper subito ingreditur.

In altera parte sunt *convulsiones*, quae aut directa nervorum centrorum irritatione, tuberculis cerebri, pressione alienorum corporum, vitioso sanguine, cerebro inflammato existunt; in quibus omnibus convulsiones eo oriuntur, quod in cerebro irritantur nervi, quos cerebrum,

centrum ipsorum complectitur. Genera symptomatum indicatorum valde variare possunt, quum omnia organa cum centro magis minusve communicantia ab eo affici possint. Aut oriuntur deuteropathice, si quidem peripherici irritantur nervi sensibiles. Tales convulsiones reflexione oriuntur. Quod quidem fit in illis ex irritatis intestinis vermibus, alienis rebus devoratis, vehementer irritato nervo peripherico etc. At longum per tempus credebant, intestina atque omnino omnia organa, quae voluntati non sunt subordinata, sed quae sympathico reguntur cum medulla spinali, reflexionum centro, directe non communicare, nec nisi sympathice reflexionibus excitari. Quam rem disquisitiones accuratiores cum medicorum observationibus comparatae optime nos docent. Revera enim disquisitiones novissimis temporibus circa nervum sympathicum institutae, docere nos videntur, proprium esse nervi sympathici systema, cujus centra, quod Kolliker praecipue experimentis demonstrat, singula nervi sympathici et etiam trium cavorum ganglia dispersa sunt. Sed praeter illas fibras, plexus fibrarum cerebrospinalium ab anatomicis demonstratus, per intestina dispergitur, quia una cum sympathico intestina cavorum trium regit. Quibus fibris cerebrospinalibus ganglia perforantibus efficitur, ut sensus intestinorum irritatione etiam ad cerebrum atque medullam spinalem deducantur, ibique reflexione convulsiones vehementer efficiant.

In explicandis hisce eclampsiae symptomatibus, quae reflexione oriuntur, non nisi physiologia systematis cerebro-spinalis respicienda est. In eclampsia ex irritatis intestinis, ex vermibus etc. ita res sese habet. Excitatores sunt 1, ex ventriculo pneumogastricus 2, ex intestinis nervi spinales sensibiles. Centrum est medulla oblongata



spinalis. Motores sunt 1, ramus recurrens nervi  
i, qui laryngem occludit, 2, nervi spinales motorii.  
quidem efficiunt 1. expirationes illas violentas, eo  
d musculi expiratorii spastice contracti thoracem  
stringunt, unde vehemens aëris expulsio existit, dum  
altera parte clauso larynge exitus impeditur, qua re  
piratio fit stertorosa. 2. convulsiones omnium muscu-  
um. Ita oculorum musculorum spasmō strabismus,  
orsio oculorum efficitur, genioglossi actione lingua  
truditur, masseterum spasmō trismus, pterygoideorum  
ione dentium frendor etc. oritur. 3. Excretionem alvi,  
nae etc. horum organorum expulsores efficiunt. —

### *Prognosis.*

Varia est pro causis, quibus eclampsia efficitur et  
mplicationibus. Quo est infans minor natū, eo peri-  
osior eclampsia. Eclampsiam aut tuberculis aut aliis  
ebri degenerationibus ortam malam prognosin praebere  
ortere, perspicuum est, quia omnes fere ejusmodi spe-  
es eclampsiae tum demum existunt, quum morbus pri-  
arius eo jam processerit, ut restitutionem in integrum  
erare non liceat. Meliorem prognosin interdum eclam-  
ia ex sanguinis veneficio admittit, quibus in casibus  
ognosis a gradu veneficii, quem secuta est eclampsia,  
ndet. Sin venenato matris lacte ortae sint, semper  
re interficiunt convulsiones. Bona est prognosis eclam-  
iae animi affectibus ortae; nam cum irritatio psychica  
raeterierit, impedimenta sanguinis circulationis evanescent,  
si non aliae complicationes intercurrent, morbi im-  
etum incommoda non sequuntur. *Eclampsia deutero-*  
*uthica.* Quae quidem meliorem offert prognosin. Bona  
st initio exanthematicorum et febrilium morborum. Ita

Sydenhamo in epidemiis illorum temporum omni eclampsiae impetus dentitione peracta suspicionem, ne intrarent variolae, prae buerunt, et semper fere convulsionibus symptoma bonum decursus exanthematis fuerunt. Valde dubia est prognosis eclampsiae, quae secretione normali oppressa existit. Hic non exigua secretione oppressa metastases, quas dicimus, excitante, forsitan altera quadam parte turbationes efficiuntur, quod quidem longum per tempus perperam credebatur, sed turbata actio physiologica non nisi actionem alterat nervorum, nulli sanguinis, quantum quidem cognosci potest, permutatione effecta, qua ratione maxime varia saepeque valde perniciosa symptomata oriuntur. Secretio suppressa si restitui non potest, si causa eclampsiae perseverat, talis accessio persaepe praebet malum eventum. Meliore prognosin exhibet eclampsia ex causa gastrica, quae quidem subitaneo accessu maxime perturbat propinquo Medico tamen, quia causae e medio tolli possunt, huiusmodi accessiones minus perniciosae videntur.

Maxime perniciosus fit paroxysmus e cerebri hyperaemia. Infans si per diem ex sopore non exergiscitur, si caput calidum manet, facies livida, oculi distorti, bonus eventus sperari non potest. Quam ob rem infantes succulenti et robusti praecipue periclitantur.

### *Curatio.*

Secundum causas discrepat. In omnibus igitur paroxysmis eclampticis, qui idiopathica cerebri irritatio oriuntur, morbus primarius e medio, si fieri potest, tolli debet, quibus in casibus eclampsia nihil nisi pars est totius morbi gravioris. Idem valet de initio exanthematico et febrili ceterorum morborum. Hoc loco non

de illius eclampsiae, quae, peculiaris morbi speciem se ferens, ex tali causa oritur, quae primo aegrotipectu non statim in oculos incurrit, curatione disersum, ita ut praecipue de paroxysmo eclamptico agatur. Quae quidem causae imprimis deuteropatae, prae ceteris gastricae irrationes, suppressae siones etc. esse solent.

Cura est:

*a) prophylactica.*

Quam saepenumero, paroxysmo nullis prodromis apente, exsequi non possumus, vel aliis in casibus promi, quia tam exigui momenti a propinquis vel a meis ipsis ad convulsionem non referuntur. Prodromi nes fere sunt symptomata irritabilitatis perversae, vel onis intestinorum abnormis etc. Ad quae removenda oris infantum educationis principia, quae pro dolor, poribus nostris obiter modo observantur, adhibenda sunt.

*b) Cura paroxysmi.*

Si ad infantem eclampticum vocamur, antequam curam tituimus et aetas, et vires et paroxysmi impetus et e ceteris causa, dummodo reperiri possit, respici de- nt. Eclampsia si secuta est indigestionem, medica- ntum purgans intempestive adhibitum, obstructionem i, devoratum corpus alienum, vermes etc., quae res e dio tolli possunt, amoveri debent medicamentis idoneis. paroxysmo ipso symptomata prae ceteris sunt respi- enda.

Gravissimum symptoma est cerebri hyperaemia. Facies livida, caput fervidum, pulsus parvus et vel asphyxia l coma imminet. Hic antiplilogistica sunt adhibenda prae ceteris detractio sanguinis, quae quidem, cum in- ntibus est medendum, non phlebotomia, sed hirudinibus



medicinalibus, secundum aetatem majori vel minori numero, instituenda est. Applicandae sunt aut ad frontem aut ad regionem temporalem, aut ad processum mastoideum. Tum fomentationes frigidae ad caput. Roubert maxime superfusiones frigidas in balneo calido commendat, quod, si statim fieri non potest, caput infantis, in custodis gremio sedentis, supra labrum torquimus itaque et caput et medullam spinalem aqua frigida superfundamus. Cujus quidem methodi et Roubert et Canstatt optimum viderunt successum. Sui qui in quavis accessione eclamptica sine differentia antiphlogosin adhibeant. Qui quidem magno in errore versantur, quia antiphlogosis interdum, si infans anaemicus eclampsia afficitur, valde noxium esse potest.

Trousseau, carotidum in paroxysmo compressione multum profecisse affert.

Extremitates saepenumero frigidae sunt. Eam causam, ut a ceteris organis derivetur sanguis, extremitates irritandae sunt. Quod quidem fit vel confricando, vel linteo calido, vel sinapismo, vel acido acetico vel aliis excitantibus et irritantibus. Sed cavendum est hisce rebus, ne cutis laedatur, vel alia incommoda infanti afferantur. Infans enim amissa conscientia nullo signo quod cutis laedatur, indicat; ita factum est, ut vulnere profunda et alia ex hac re existerent. In paroxysmo etiam clyisma derivans non est negligendum.

Quibus omnibus factis, si jam morbi impetus desinere incipit, laniis infans tegumentis involvendus est, ut cucullatione, sudore profuso, paroxysmus ad finem deducatur.

Maximam interdum utilitatem affert derivatio ad intestina medicamentis purgantibus e. gr. Calomelanos Jalappae etc.

Haecce fere sunt illa, quae inter paroxysmum sunt  
hibenda. Paroxysmo peracto indicatio causalis agitur,  
qua primum tenet locum methodus antigastrica, quae  
absorbentibus, aut purgantibus, aut anthelminthicis etc.,  
versa secundum causas instituenda est. Si alia causa  
eritur, contra aliam curam instituamus. Antispasmo-  
s interdum maxima cum utilitate nimiam irritabilitatem  
overe possumus, e. gr. floribus zinci cum extracto  
scyami et ejusmodi.

Multa sunt insuper sicut contra epilepsiam, ita con-  
eclampsiam commendata, quae enumerare longum est  
quae perraro utilitatem afferunt.

ura causali adhibita, optime paroxysmorum repetitio  
betur.

## V I T A.

atus sum ego, Augustus Henricus Rudolphus Oppelt,  
fessionem evangelicam addictus, Naugardiae, Pomeraniae op-  
o, anno MDCCCXXII die XVII mensis Julii, patre Au-  
to, matre Guilelma e gente la Place, quos parentes  
ectissimos Deus optimus maximus lucusque vivos salvos-  
mihi servavit. Primis litterarum elementis imbutus gym-  
ium Gedanense, quod directore Cel. Engelhard florebat,  
duos annos, tum gymnasium Sedinense Cel. Hassel-  
ch directore per quinque annos frequentavi. Testimonium  
turitatis adeptus, tempore paschali anni h. s. quadragesimi  
ii inter cives instituti regii medico-chirurgici Friderico-  
ilelmiani receptus sum et per quadriennium hisce interfui  
olis:

Cel. Beneke de logice et psychologia; Cel. Preufs de  
toria; Ill. Hecker de encyclopaedia et methodologia me-  
a, de Celsi libris, de pathologia generali, de historia  
dicinae; Ill. Link de botanice et de historia naturali;  
l. Turte de physice et de pharmacia; Ill. Mitscher-  
ch I. de chemia et organica et anorganica; Ill. Schlemm

de osteologia, de splanchnologia, de syndesmologia; Ill. Mueller de anatomia et universa et organorum sensuum, comparata et pathologica, de physiologia; Cel. Eck de therapia generali, de semiotice, de morbis contagiosis, de morbis simulatis et dissimulatis; Ill. Mitscherlich II. de materia medica; Beat. Wagner de pathologia et therapia speciali; Ill. Casper de arte formulas rite concinnandi et de medicina forensi; Cel. Troschel de ossibus fractis et luxatis; Cel. Boehm de aciurgia; Cel. Schmidt de arte obstetricia; Ill. Juengken de chirurgia speciali; Cel. Frorie de arte fascias rite imponendi; Exp. Bruecke de telarum structura subtiliori.

Practicis exercitationibus me instituerunt: Ill. Muelle et Ill. Schlemm cadaveribus rite secandis; Cel. Boehm operationibus in corporibus mortuis; Exp. Angelstein operationibus ophthalmiatricis; Cel. Schmidt exercitationibus obstetriciis; Ill. Casper exercitationibus medicis forensibus et explorationibus in vivis et mortuis instituendis. Praeterfui Ill. Schoenlein et Cel. Truestedt et Cel. Vone clinicis medicis; Ill. Juengken et Ill. Dieffenbach clinicis chirurgicis et ophthalmiatricis.

Quibus viris, optime de me meritis, quam possum meas gratias ago semperque habeo.

Jam vero tentaminibus, tam philosophico, quam medico nec minus examine riguroso coram Gratioso Ordine Medicorum rite superatis, spero fore, ut hac dissertatione thesisque adjectis palam defensis, summi in medicina et chirurgia honores in me conferantur.

---

## T H E S E S.

1. In corpore sano nunquam morbus psychicus.
  2. Convulsiones non morbus, sed symptoma.
  3. Phthisis pulmonum saepenumero sanatur.
  4. Exsudata saepe citra inflammationem oriuntur.
-

de osteologia, de splanchnologia, de syndesmologia; Ill. Mueller de anatomia et universa et organorum sensuum comparata et pathologica, de physiologia; Cel. Eck de therapia generali, de semiotice, de morbis contagiosis, de morbis simulatis et dissimulatis; Ill. Mitscherlich II. de materia medica; Beat. Wagner de pathologia et therapia speciali; Ill. Casper de arte formulas rite concinnandi et de medicina forensi; Cel. Troschel de ossibus fractis et luxatis; Cel. Boehm de aciurgia; Cel. Schmidt de arte obstetricia; Ill. Juengken de chirurgia speciali; Cel. Frorie de arte fascias rite imponendi; Exp. Bruecke de telarum structura subtiliori.

Practicis exercitationibus me instituerunt: Ill. Muelle et Ill. Schlemm cadaveribus rite secandis; Cel. Boehm operationibus in corporibus mortuis; Exp. Angelstein operationibus ophthalmiatricis; Cel. Schmidt exercitationibus obstetriciis; Ill. Casper exercitationibus medicis forensibus et explorationibus in vivis et mortuis instituendis. Praeterfui Ill. Schoenlein et Cel. Truestedt et Cel. Vorne clinicis medicis; Ill. Juengken et Ill. Dieffenbach clinicis chirurgicis et ophthalmiatricis.

Quibus viris, optime de me meritis, quam possum meas gratias ago semperque habebo.

Jam vero tentaminibus, tam philosophico, quam medico nec minus examine riguroso coram Gratioso Ordine Medicorum rite superatis, spero fore, ut hac dissertatione thesisque adjectis palam defensis, summi in medicina et chirurgia honores in me conferantur.

## T H E S E S.

1. In corpore sano nunquam morbus psychicus.
2. Convulsiones non morbus, sed symptoma.
3. Phthisis pulmonum saepe numero sanatur.
4. Exsudata saepe citra inflammationem oriuntur.

NARROW GUTTERS

(1-2 CHARACTERS

LOST ON

SEVERAL PAGES)